



服部文庫
417
2099
4

手
紙
箱

99
4
1



117 特
2099
4

奉



送矢田大夫西上詩三章序

覲天作洽關雎音興天下毋則從此始大夫春

東叡王命入賀作是詩送之二儀初判開我東方邈矣

皇祖並明大陽赫赫在天仰止以光承祚一姓億載

無疆於鑠

桓武爰景爰岡相彼中土作此上京魏々文物率由

舊章大平

天子端拱明堂坤元定基玄雲呈祥皇朝有慶萬

邦所望

舞

萬邦同慶庶民抃舞况乎我王國之肺腑雖來
居東乃喜西顧彼有良嶽維王所宇壯哉宮觀爰
與今古層寸雲合九有降雨鎮我皇京施及率土
載命使臣賀天之祐庭實旅百獻于帝所使臣祇
役遵浴之許

祇役誰居大夫出使雨雪瀼瀼歲云晏矣皇華式歌
行色以美肅肅于征豈憚千里五十三驛山川邈迤
望彼帝京佳氣鬱起冠蓋絡繹周道如砥宇內輻湊
爰攸底止薄言竣賀歸期亦邇大夫有勤王其勞
爾

五言古詩

和米子隱將歸築紫見別之作

之子與我別各悲生別離舟楫歸紫海何為能追隨
江山已遼落會面不可期握手悵相顧良朋從此辭

仰視日月光晝夜長相思

暮春將遊相中別諸子作

霞
暮春艷陽節永日宜客行烟霞靄郊野花樹又鮮明
貧賤亦有幸世網不爲嬰興來即命駕卒意裝自輕
浮遊從所欲處々縱勝情關中負海地逶迤連路程
滄波望何渺千里風景晴相州限函谷衆山疊崢嶸
此際多陳跡周覽且縱橫童冠六七人相送出都城
置酒驛亭上離杯此同頌黃鳥近在側將別轉嚶嚶
來往十餘日還期已有盟山川應接好何如對友生

燕子詞

燕燕雄與雌雙來止我堂故巢幸猶在振羽一迴翔
今年復就此此栖不可忘辛苦含泥土東西頡且頡
身微志亦小蓄相安一梁哺成五六子呢喃口正黃
所願秋節至歸歟共相將鴻鵠非儔侶何羨冲彼蒼
賦得仙人好樓居爲楚琴老侯壽詞

昔
昔者朝帝處乘鶴凌紫烟今也從所好此樓會衆仙
松喬忽來至各自臨我筵嘉穀將旨酒羅列置我前
宮商倫自次新聲管與絃歡樂長若斯誰不羨延年

經總州國府臺作

河水西北來，輕舟汎且遡。行到國府臺，停撓望前渡。
絕壁百餘仞，奔流齧迴注。上有古戰場，鬱々多松樹。
蠻觸何所爭，酣戰一相苦。鼙鼓振天地，長飈翻赤羽。
壯士不旋踵，一時盡僵仆。死傳十歲名，骸骨委霜露。
城壘斜形勢，寂寞河山固。往事將問誰，荊棘伏狐兔。
行客躑躅久，吊古徒四顧。林丘隨步轉，欲歸失還路。
悠悠刀補水，悲咽達昏暮。

石仲綠挽歌詩三首

傷哉死生大，奄忽安可持。吞聲哭友朋，友朋者為誰。

咨我石仲綠，慷慨且不羈。仕宦非其好，拂衣有所宜。
客遊兩都間，玩世自委蛇。青年薄幸名，娛樂聊及時。
往事已成空，今也子何之。鬼伯苦相促，柩車徒自馳。
咄我石仲綠，聽此蒿里辭。

之子經國業，吾黨稱老成。翩翩翰墨林，逸氣獨縱橫。
下帷多從遊，千里自揚聲。所遇發春華，紛葩祭鮮明。
奈何彼襮矣，一朝不保榮。涼秋氣何悲，霜露時復零。
穠形軀隨化，滅夜臺空冥。冥不朽終何物，遺草託友生。
洋々大雅音，長與金石清。
生時杯酒交，綢繆情不薄。飲宴忘疲倦，賞會今入樂。

醉歌聲清亮風流善戲謔言笑猶在耳宛其歸六漠
茫茫天地間自今將何託銘旌翩以先送々出北郭
秋風吹曠野百卉慘消落一丘松柏下千載載營魄
嗟爾造物者奈此長眠客

詠史詩三首

大古濟斯民神聖降蒼穹乘龍翔紫海正域暘谷東
四隅三萬里車書且一同日升臨六合光自我邦通
赫々耶摩都爰作檀原宮皇基何所卜世祀傳無窮

二

熊襲懷不庭皇子率六師生年纔二八神武震西垂

王化時未洽東轅征蝦夷莽々大野間豺狼伏且窺
如何闕伯氏炎赫助逆馳據鞍引神劍反風在一麾
行々蹈總海々若驕爲危我妃嬖侍側報願從此辭
風波忽已定燕婉念在茲振旅陟彼岡回望心東悲
遠道疲跋涉山澤一倭遲不避龍蛇害濯足漢水湄
英魂爲白鳥冲霄何處之奕々蓬島廟長與日月輝

三

神后征三韓方值載震時坤位嬖在疚誘衷寧可辭
斧鉞易琴瑟擐甲解狄衣殊域隔瀛海龍舟忽電馳
前驅命風伯陽侯受役祗天地何爲者迴轉從指揮

琴瑟

成

疾雷不掩耳，金湯誰得支。鮮奴盡驚伏，朝貢相追隨。
異哉武宿彌，鷹揚我師。遐齡三百歲，矍鑠長若斯。

白貢野就荒社友相資檢校同賦

邁

丘園寂蕭森，幽樹接郊藪。結宇時避喧，徘徊澁谷口。
邁軸聊風詠，知足庶無咎。窮賤元吾分，寧與軒冕偶。
束帛彘以光，誠為乘且負。蔬瓜各自長，縱橫竟數畝。
采米將贈誰，植杖茲摘取。野趣宜遊憇，莊菀歷稔久。
檐隙蛛網密，女蘿施窗牖。漏屋無乾處，頽林半腐朽。
墜葉積為塵，灑掃不勝帚。柴門終日閉，徒使老農守。
荆榛塞徑路，披來誰咨扣。多謝諸故人，綢繆意何厚。

幸不我遐棄，葺治相先後。荒穢總就淨，復此會親友。
何以樂今日，貧厨無所有。清談當嘉肴，苟酌濁醪酒。
桑榆餘照微，歡心猶携手。鐘磬聲殷殷，佛廬隣林阜。

九日高陽館宴送門士蔚詩

舉

菊花報佳節，冷露紛滿叢。燕會寧後時，歡笑茲暫同。
華館酒如河，高陽名不空。僕夫戒何促，既醉歌未終。
五馬歸南服，文子亦相從。千里悵傷別，舉首臨高風。
西眺玉笥山，行路在其中。勉矣羈絏任，以荅主恩隆。

坂衛

神戶侯充大坂副衛使作此奉贈二首

大坂鎮臺副兼 命慎其職君侯富春秋 翩之意已

纓得雄飛誰不羨將舒凌霄翼簪纓紛麋至飲餞雙關
側朝發東都門整駕戒行色千騎肅相從脩路憑熊
便熊軾桑海帆以濟山川未終極懷道歸封邑徒御聊且
息

淨期息徒待瓜期瓜期在仲秋行到浪華界壯哉古皇州
都會甲天下萬貨爭相求市鄽鬱鱗次藹々人烟
繁華年小子輕薄事冶遊急絃正相依新聲誇名謳
富庶太平象臨眺聊上樓金城分守衛諸將皆列侯
干戈長偃息非有參軍謀且酌丹丘酒盛宴日獻酬

